

《淨心神咒》

太上臺星，應變無停。
驅邪縛魅，保命護身。
智慧明淨，心神安寧。
三魂永久，魄無喪傾。
急急如律令。

《淨口神咒》

丹朱口神，吐穢除氛。
舌神正倫，通命養神。
羅千齒神，卻邪衛真。
喉神虎賁，炁神引津。
心神丹元，

令我通真。思神鍊液，道炁長存。
急急如律令。

《淨身神咒》

靈寶天尊，安慰身形。弟子魂魄，
五臟玄冥。青龍白虎，隊仗紛紜。
朱雀玄武，侍衛我真。急急如律令。

《淨天地神咒》

天地自然，穢氣分散。洞中玄虛，

晃朗太元。八方威神，使我自然。
靈寶符命，普告九天。乾羅答哪，
洞罡太玄。斬妖縛邪，度人萬千。
中山神咒，元始玉文。持誦一遍，
卻病延年。按行五嶽，八海知聞。
魔王束首，侍衛我軒。凶穢消散，
道炁長存。急急如律令。

《安神咒》

元始安鎮，普告萬靈。嶽瀆真官，
上下祇神。左社右稷，不得妄驚。
回向正道，內外澄清。各安方位，
備守壇庭。太上有命，搜捕邪精。
護法神王，保衛誦經。皈依大道，
元亨利貞。急急如律令。

《恭請》

玉清元始天尊寶誥 志心皈命禮

元月一日聖誕

三界之上，梵炁彌羅。上極無上，天中之天。鬱羅蕭臺，玉山上京。渺渺金闕，森羅淨泓。玄元一炁，混沌之先。寶珠之中，玄之又玄。開明三景，化生諸天。億萬天真，無鞅數眾。旋斗歷箕，迴度五常。巍巍大範，萬道之宗。大羅玉清，虛無自然。至真妙道元始天尊。

恭請

玉皇至尊寶誥志心皈命禮

元月九日聖誕

大羅天帝，太極聖皇。化育群生，統御萬物。渺渺黃金闕，巍巍白玉京。若實若虛，不言而默宣大化；是空是色，無為而役使群靈。時乘六龍，遊行不息；氣分四象，幹旋無邊。乾健高明，萬類善惡悉見；玄範廣大，一

算禍福立分。上掌三十六天，三千世界；下握七十二地，四大部洲。先天後天，並育大慈父；古仰今仰，普濟總法宗。乃日月星辰之君，為聖神仙佛之主。湛寂真道，恢漠尊嚴。變化無窮，屢傳寶經以覺世；靈威莫測，常施神教以利生。洪威洪慈，無極無上，大聖大願，大慈大悲。黃金金闕，

白玉玉京。

玄穹高上帝，玉皇錫福赦罪大天尊。

恭請

關聖太子寶誥 志心皈命禮

元月十三日聖誕

靈侯太子，文經武緯，匡王護國，德義巍巍，忠孝節義，全受全歸。奇勳早建於西蜀，異略素著於北魏。大忠大孝，至仁至勇，補造化之不足，佐

聖帝以立功。護朝護國，盡孝盡忠。
九天威靈顯化天尊。

恭請

三官大帝寶誥 志心皈命禮

元月十五日聖誕

唯三聖人，乃一太極。普受浩劫家命，
鼎膺無量品之褒，紫微清虛洞陰，總領
功過；賜福赦罪解厄，普濟存亡，道冠
諸天，恩覃三界。大悲大願，大聖大慈

。三元三品，三官大帝，三宮九府應感天尊。

恭請

上元天官大帝寶誥 志心皈命禮

元月十五日聖誕

玄都元陽，紫微宮中。部三十六曹，偕九千萬眾。考較大千世界之內，錄籍十方國土之中。福被萬靈，主眾生善惡之

籍；恩覃三界，致諸仙升降之司。除無
妄之災，解釋宿殃；脫生死之趣，救拔
幽苦。群生是賴，蠢動咸康。大悲大願，
大聖大慈。

上元九炁賜福天官，曜靈元陽大帝，紫
微帝君。

恭 請

延平郡王寶誥 志心皈命禮

元月十六日聖誕

延平發達，郡邑頌揚，匡成社稷，功在
臺灣。臺南始創，開闢臺疆。曰文曰武，
為聖為王。分南分北，中心寶藏。懷仁
懷義，俾熾俾昌。功成果滿，感動穹蒼。
英靈不昧，準受馨香。永享人間，血食
四民。報德難忘，迄至於今。幾百千秋，
神靈赫濯。祝頌厥猷。大慈大悲，任人
祈求。遂心應願，以德報酬。顯感救濟，

欽迓天庥。傳經誥誦，消滅愆尤。傾心
救苦，萬劫皆休。

延平救苦大郡王

恭請

福德正神寶誥 志心皈命禮

二月二日聖誕

一方土穀，萬姓福神。秉忠正烈，助國
衛民。膺承簡命，鎮一方而黎民仰瞻；
司職功曹，掌傳奏而丹忱上達。

義貫九天，善惡昭彰而響應；靈通三界，功過糾察以分明。鞏固金湯，奠安社稷。大忠大孝，至顯至靈，護國佑民。

當境土地明王尊神。

恭請

文昌保德宏仁大帝寶誥 志心皈命禮

二月三

日聖誕

不驕帝境，玉真慶宮。現九十八化之行
藏，顯億千萬種之神異。飛鸞開化於在
在，如意救劫以生生。至孝至仁，功存
乎儒道釋教；不驕不樂，職盡乎天地水
官。功德難量，神威莫測。大悲大願，
大聖大慈。九天輔元開化主宰，司祿職
貢舉真君，七曲靈應，
保德宏仁大帝，談經演教，消劫行化，

更生永命天尊。

恭請

太清道德天尊寶誥 志心皈命禮

二月十五日聖誕

隨方設教，歷劫度人。為皇者師、帝者師、王者師，假名易號；立天之道、地之道、人之道、隱聖顯凡。總千二百之官君；包萬億重之梵炁。化行今古，著道德凡五千言；主握陰陽，命雷霆用九

五數。大悲大願，大聖大慈。
太上老君，道德天尊。

恭請

御前元帥精忠武穆王寶誥 志心皈命
禮

二月十五日聖誕

三峰挺聳，手執瀝泉神鎗；五部齊眉，
身披雪花銀鎧。御前元帥，殿內將軍。
上司九天雄兵神將；下掌五獄罪鬼亡

魂。三界有求皆顯化；萬方號令盡施行。忠心貫日，為萬世臣道之規；孝行可風，作千古子職之訓。顯神威於金陵城，千秋勿替；著功績於朱仙鎮，百世長存。座下三十二將，破賊除奸；身隨五百兒郎，擒妖獲怪。群生戴德，萬姓欽崇。至剛至勇，至孝至仁。治世祖師，伏魔上將，精忠武穆王，義勇大巡察，

救民正直稱少保，護國無私贈鄂王。大
悲大願，大聖大慈。

玉帝殿前兼理右相，道德元君，無量
普濟妙法天尊。

恭 請

觀音大士寶誥 志心皈命禮

二月十九日聖誕

莊王毓秀，受帝命而誕生；教闡南洋，
奉敕旨而救劫。尋聲應感，動念垂慈。

聖德巍峨。玄功莫測。幽顯昭甦，而
蒙恩濟度；品物咸康，而荷惠生成，
外道仰依，邪魔歸正。大悲大願，大
聖大慈。尋聲救苦救難，隨心消厄消
災。

碧落洞天帝主，圓通自在天尊。

恭請

北極玄天上帝寶誥 志心皈命禮

三月三日聖誕

混元六天，傳法教主。修真悟道，濟度群迷。普惠眾生，消除災障。八十二化，三教祖師。大慈大悲，救苦救難。三元都總管，九天遊奕使。左天罡，北極右垣大將軍。鎮天助順，真武靈應，福德衍慶。仁慈正烈，協運真君。治世福神。玉虛師相，玄天上帝，金闕化身蕩魔天尊。

恭請

保生大帝寶誥 志心皈命禮

三月十五日聖誕

清修自在，玉洞鍊心。普化寰宇，濟施
甘霖。保民如赤，至道不沉。佈惠佈德，
福建全欽。東海開山，白礁顯神。同安
俎豆，宋季降身。閩閩廬念，塗炭悲呻。
高明配天，博厚至仁。大慈大悲，救苦
救難。惠德真君，博愛護國。

保生大帝，大道真人，仁術大天尊。

恭請

南天廖天君寶誥 志心皈命禮

三月十八日聖誕

大漢監軍，忠義上將。英勇威神，有智有略無欺無險，至孝至仁。心存濟世，意切飛鸞。統領南天左部，受命玉帝揮毫。積功勳兼掌雷令；著善果宣化人間。管諸魔鬼，轄眾陰兵。慈

悲保赤，惠惜孱民。斬妖護國，治怪安民。廖將軍，南天真相，奉旨馳騁。玉封博施真人，加陞道德天君。

恭請

太陽星君寶誥 志心皈命禮

三月十九日聖誕

洞陽至聖，炎明上真。主南極之陽關，掌人身之魂魄。光輝盛大，行天為萬象之尊；功德高明，主世照眾生之命。昭

回天地，金烏晝夜巡行；樞紐陰陽，炎
魄威施赫烈。凡蒙運照，實賴生成。大
悲大願，大聖大慈，日光朱明，炎光天
子。

太陽鬱儀帝君，真光普照天尊。

恭請

天上聖母寶誥 志心皈命禮

三月廿三日聖誕

聖德參天，國家忠孝無雙女；母恩配

地，閩省功名第一人。通賢體靈，默靜
仙真。傳古聖之道統；學先祖之慈仁。
救苦救難，愛國愛民。大慈大悲，至節
至貞。

敕封天上聖母，玉封天后尊神。

恭請

倉頡先師寶誥 志心皈命禮

三月廿八日聖誕

文明光顯，書契宏開。繼朱襄而造六書，

萬世免結繩之苦；並沮誦以為二史，三皇垂綱紀之模。觀奎星兮圜曲，四目通神；察鳥跡與龜文，一元啟秘。明敏本自天，圖書乃為神授。依類象形，闡盡先天之奧；龍潛鬼哭，洩殘太極之精。佐黃帝以立聖功；統天庾而裕民食。大悲大願，大聖大慈。至聖先師，史皇上帝，敷文啟教天尊。

恭請

釋迦文佛寶誥 志心皈命禮

四月八日聖誕

東華教主，西域聖師。棄皇宮之富貴；
愛雪嶺之清高。鍊成摩尼珠，光照大千
世界；尊居兜率地，德被億萬生靈。大
法東被，無不清修波羅蜜；梵貝西來，
咸知皈依無上道。燈傳萬世，佛日常
輝。法繼千秋。皇圖鞏固。三界大師，

四生慈父。大悲大願，大聖大慈。
釋迦牟尼古佛，慈悲廣化天尊。

恭請

南宮孚佑帝君寶誥 志心皈命禮

四月十四日聖誕

玉清內相，金闕選仙。化身為三教之
師；掌法判五雷之令。黃梁夢覺，忘
世上之功名；寶劍光騰，掃人間之妖
怪。四生六道，有感必孚；三界十方，

無求不應。黃鶴樓頭留聖蹟；玉清殿內
煉丹砂。存芝像於山涯；顯神蹤於雲洞
。闢法門之香火；作儒教之梯航。大悲
大願，大聖大慈。開山啟教，靈應祖師。
天雷上將，靈寶真人。洩玄贊運，純陽
演正。

警化孚佑帝君，興行妙道天尊，普度光
圓，自在文尼真佛。

恭請

神農大帝寶誥 志心皈命禮

四月廿六日聖誕

政掌九農，業開百穀。力扶根本，職守
田疇。承平水土，勤力佐天。司執稼苗，
功參元造。恩全民命，德贊天靈。農主
垂恩，救濟萬民。世資根本，旺靈田疇。
仰望苗穀而清秀，稼穡希謀好結成。總
賴田功施惠澤，全干大造判豐盈。得農

飽樂無饑苦，田禾大熟救蒼生。大悲大願，大聖大慈。

百穀祖主神農大帝，開岫演奧天尊。

恭請

定遠帝君寶誥 志心皈命禮

五月三日聖誕

扶劉志切，輔漢功長。浩氣凌雲，千秋致美；忠心貫日，萬古流芳。手執金鎗，聰明正直；身披銀鎧，中正齊莊。

百萬狼虎之兵，單身赴敵；十千貔貅之眾，匹馬沖鎗。烏林當血戰，曹瞞心腸碎裂；赤壁展神威，徐盛肝膽驚亡。保幼主而得青虹，雄威益壯；遇敵兵而揮白刃，烈膽倍強。五虎將軍同座位；一龍後主護胸膛。忠心愛國，討賊勤王。斬妖捉怪，誅暴除兇。至忠至勇，克勝克剛。玉清佐相，敘事天堂。

玉旨加封定遠帝君，佐漢大天尊。

恭請

關聖太子寶誥 志心皈命禮

五月十三日聖誕

靈侯太子，文經武緯。匡王護國，德義巍巍。忠孝節義，全受全歸。奇勳早見於西蜀，異略素著於北魏。大忠大孝，至仁至勇。補造化之不足，佐聖帝以立功。護朝護國，盡孝盡忠。

九天威靈顯化天尊

恭請

九天馬天君寶誥 志心皈命禮

五月十九日聖誕

九天揚化，樞機共凜；十分普濟，海內
施恩。火德澤民，司權喉舌；仁慈濟世，
導化人心。至廉至節，命派五祀；宏德
宏仁，司管一家。積功勲操持竈府；著
善德輔佐東廚。惠澤群生，移凶化吉；

愛惜兆民，赦過消愆。大悲大願，真君
內相，廣濟真人。大忠大孝，下凡監堂。
專理鸞務馬天君。

恭 請

城隍尊神寶誥 志心皈命禮

六月十五日聖誕

廣東挺傑，薊北歸神。受敕封於玉陛
司保障於蒼生。亙古忠靈，千秋正氣。
判冥陽之是非；掌官民之禍福。史冊

昭昭，名垂宇宙。神威赫赫，功報蒸嘗。燮理陰陽，專司賞罰。代天宣化，為國救民。協運皇圖，贊襄吏治。大忠大惠，大德大仁。

敕封昇福明靈王，當境城隍尊神，金湯鞏固天尊。

恭請

先天豁落靈官王天君寶誥 志心皈命

禮

六月十六日聖誕

先天主將，一炁神君。都天糾察大靈官，三界無私猛烈將。金睛朱髮，號三五火車雷公；鳳嘴銀牙，統百萬貔貅神將。飛騰雲霧，號令雷霆。降雨開晴，驅邪治病。觀過錯於一十二年，受命玉帝；積功勳於百千萬種，誓佐祖師。至剛至勇，濟死濟生。方方闡教，處處開

壇。赤心忠良，斬妖護法。

王天君，太乙雷聲應化天尊。

恭請

南天文衡聖帝寶誥 志心皈命禮

六月廿四日聖誕

太上神威，英文雄武。精忠大義，高節
清廉。協運皇圖，德崇演正。掌儒道釋
教之權，管天地人才之柄。上司三十六
天，星辰雲漢；下轄七十二地，**冥壘幽**

豐。秉注人生功德，延壽丹書；執定生死罪過，奪命黑籍。考察諸佛諸神，監制群仙群職。德圓妙果，無量度人。萬靈萬聖，至上至尊。忠孝祖師，伏魔大帝，關聖帝君，大悲大願，大聖大慈。蓋天古佛。

玉帝殿前首相，執掌雷部，真元顯應，昭明翊漢大天尊。

恭請

魁斗星君寶誥 志心皈命禮

七月七日聖誕

魁罡正氣，奎壁元精。兩極萃華，五行秉德。匡扶文運，居二十八宿之微垣；考核士流，察三萬六千之善行。緣損德而空中糊眼；憑陰功而暗裡點頭。開愚性以聰明；啟迷心以穎悟。廣佈孝友文章之化；襄贊功名祿秩之權。文武場

中，春秋闈內。鼓筆飛鸞而煥彩；剃髭
釋褐以梯榮。判金榜於七曲天宮；衡玉
籍於桂香寶殿。大悲大願，大仁大威。

錫慧通靈，扶文助道。
東方木宿，魁斗星君

恭請

救苦真君寶誥 志心皈命禮

七月十二日聖誕

學步盧醫，著書近聖。功侔思邈，折肱

稱良。濟人施妙藥，壽世展良方。日居月諸，深通素問。通今博古，細究青囊。望切問聞，拯沉痾於里黨；泡煨炙製，起痼疾夫危亡。採藥山中，靈芝獻瑞；煉丹爐裡，瑞草呈香。妙術回春，躬親帝寢；多方治病，位列朝堂。金鑑書就，玉京名揚。

玉旨加封救苦真君

恭請

三官大帝寶誥 志心皈命禮

七月十五日聖誕

唯三聖人，乃一太極。普受浩劫家之命，鼎膺無量品之褒，紫微清虛洞陰，總領功過；賜福赦罪解厄，普濟存亡。道冠諸天，恩覃三界。大悲大願，大聖大慈。

三元三品，三官大帝，三宮九府應感天

尊。

恭請

中元地官大帝寶誥 志心皈命禮

七月十五日聖誕

青靈洞陽，北都宮中。部四十二曹，偕
九千萬眾。主管三界十方九地；掌握五
嶽八極四維。吐納陰陽，覈男女善惡青
黑之籍；慈育天地，考眾生錄籍禍福之
名。法源浩大而能離九幽；浩劫垂光而

能消萬罪。群生父母，存沒沾恩。大悲
大願，大聖大慈。

中元七炁赦罪地官，洞靈清虛大帝，清
靈帝君。

恭請

西王金母寶誥 志心皈命禮

七月十八日聖誕

天地開泰，無極聖母。龍華勝會宴瑤
池，萬靈統御傳教旨。諸仙獻壽，列聖

稱觴。天威咫尺，功高德重。代燮權衡，
仙主道宗。三千侍女，奏笙簧之天樂；
百歲蟠桃，開金碧之靈園。救眾生之苦
難；灑甘露於塵寰。大悲大願，大聖大
慈。

無極瑤池大聖，西王金母天尊。

恭請

值年太歲星君寶誥 志心皈命禮

七月十九日聖誕

太上慈光，化生下土。巡仙地而種寶茂
丁；養眾生而救厄度苦。靈通歲部，顯
應王春。法筭成鞭，玉犁化耒。轉輪於
六十甲子之中，值事於五方丙土之下。
遍遊山麓，普坐命宮。大悲大願，大
聖大慈。

化生度人，濟苦天尊。

恭請

南宮柳天君寶誥 志心皈命禮

七月廿三日聖誕

練化靈心，道學無量。修為見性，功勳有就。色空色相，塵緣盡脫；即神即仙，凡俗登天。飛鸞降世，勸忠勸孝；監堂闡教，戒惡戒淫。被化多方，回頭有術；宣明義理，妙奧無邊。令人忠孝，褒忠貶昧；醒世節廉，排難解紛。至仁至德，悲憫蒼生。切念下民，大

願大慈。南宮輔佐，開堂濟世。
孚佑駕前，協造善文。

柳星君，妙道真人，加陞太乙天君。

恭請

諸葛武侯寶誥 志心皈命禮

七月廿三日聖誕

臥龍星宿，漢季儒人。報皇恩吞曹伐
魏；承帝命扶漢成神。兵書洞覺，道學
超倫。萬古軍師，綸巾羽扇吟梁父；三

世良相，韜略機謀勝范增。名高望重，
鬼服神欽。位列天樞上相；身為金闕功
臣。功參造化，德配乾坤。佐

玉帝整備三曹，體天行道，憫蒼生胥淪
末劫。闡教飛鸞，護朝衛國，覺世牖民，
大忠大孝，至剛至仁。

天樞上相，諸葛先師，加封金闕忠武大
天尊。

恭請

齊天大聖寶誥 志心皈命禮

七月廿五日聖誕

先天真炁，大道元精。化身修無極之性；鍊命得太玄之英。為佛門之護法，作天界之明神。金剛棒舉，伏魔蕩寇；玉塵尾揮，說法談經。變化無窮，花果山中修正道；精靈不昧，水簾洞裏運玄功。護唐僧而取西天之懺；修正法而傳

東土之人。恩深三界，德昭九州。大悲
大願，大聖大慈。

南天門上將，衛法大神，靈通廣大天尊。

恭請

北斗星君寶誥 志心皈命禮

八月三日聖誕

開明三景，迴度五常。為造化之樞機；
作人神之主宰。宣威三界，統御萬靈。
判人間善惡之期；司陰府是非之目。能

解一切罪，攝伏諸魔精。大悲大願，大聖大慈。

中天大聖，北斗九皇賜福星君。

恭請

九天司命真君寶誥 志心皈命禮

八月三日聖誕

一家之主，五祀之神。司喉舌於北斗之中；察善惡於東廚之內。賜福赦罪，移凶化吉，安鎮陰陽，保佑家庭。何災不

滅，何福不增。有求必應，無感不通。
火德澤民賴以生，上調飲食奉雙親，下
煮饗飧滋壽命。丹天世界，灶府眾神。
欲酬護佑猶未能，普具香燈伸寸敬。虔
誠懇禱，宥過愆咎。弟子稽首謝洪恩，
願保門庭多吉慶。大悲大願，大聖大
慈。赤皇上品，三炷火官。洞陽大帝，
元皇定國。南丹紀壽，護宅天尊。

玉清輔相，九天東廚司命灶王真君。

恭請

太陰星君寶誥 志心皈命禮

八月十五日聖誕

廣寒至聖，紫光上真。主北極之陰關，掌人身之魄體。明分長短，致吉凶有缺有圓；顯示災祥，降禍福無差無忒。巡遊不住，玉兔亙古常明；輝耀無邊，素魂普施大化。凡蒙運照，實荷生成。大

悲大願，大聖大慈。

月府黃華素曜天后，太陰結璘皇君，慧
光朗照天尊。

恭請

桓侯大帝寶誥 志心皈命禮

八月廿三日聖誕

一生大義，六世精忠。龍鎧蛇矛，降多
猛將。狼腰虎背，蓋世英雄。誓吞二狼，
劫轉蘇張岳身之化；位居五虎，戰高黃

馬趙將之功。居九天之第七天，鸞乘鶴
駕；合六世而歸一世，鳳闕龍宮。矛丈
八百戰不離，性烈如火聲宏鐘。一橋皆
震，力勇追風。大悲大願，大聖大慈。
雷闕至尊，桓侯大帝，忠義無上威勇天
尊。

恭 請

五斗星君寶誥 至心皈命禮

瑤天紫極，西竺慈尊，本一炁之梵，天
分五方而覆地，行御雙麟之輦座，緋九
色之蓮，青陽舒澤，融銀漢之元流，黃
道開祥，主雷霆之朕兆，分禦于南極上
宮，統攝乎西華要道，散則分以五炁，
合則歸於一元，三台麗華蓋之端，眾曜
拱紫光之主，共赴難以垂恩，各尋聲而
救劫，大悲大願，大聖大慈，

中天五斗，高上玄元扶危，救苦延生保命天尊

恭請

南斗星君寶誥 志心皈命禮

九月一日聖誕

太微正曜，南極都曹。主司陽官，宰御火帝。位離宮而名符日曜，隨斗柄而環應七元。助天地豐育之功；體道德光明之照。受性降神，握品物生成之統紀；

陶魂鑄魄，管人天遷化之樞機。注秩消災，延齡溥福。至聖至尊，大悲大願，中天大聖。

南斗六司延壽星君，壽星大帝，陽明普度天尊。

恭請

北斗星君寶誥 志心皈命禮

九月一日下降

開明三景，迴度五常。為造化之樞機；

作人神之主宰。宣威三界，統禦萬靈。
判人間善惡之期；司陰府是非之目。
能解一切罪，攝伏諸魔精。大悲大願，
大聖大慈。

中天大聖，北斗九皇賜福星君。

恭請

中壇元帥寶誥 志心皈命禮

九月一日聖誕

興周聖將，滅紂前鋒。金光洞裡鍊金

剛，玉虛奉命降陳塘。左執金圈，右執尖槍。足踏兩輪，曰火曰風。驅邪滅怪，斬魔王。親歷一千七百浩劫而圓道果；破三萬八千惡陣永鎮天宮。一蕊蓮花，化成莊嚴色相；十方世界，廣濟救苦慈航。玄功深奧，變化無窮。達地升天轉眼中，臨敵無懼，威武堂堂。大忠大孝，至勇至剛，安民護國。

中壇元帥天尊。

恭請

三官大帝寶誥 志心皈命禮

十月十五日聖誕

唯三聖人，乃一太極。普受浩劫家之命，鼎膺無量品之褒，紫微清虛洞陰，總領功過；賜福赦罪解厄，普濟存亡。道冠諸天，恩覃三界。大悲大願，大聖大慈。

三元三品，三官大帝，三宮九府應感天尊。

恭請

下元水官大帝寶誥 志心皈命禮

十月十五日聖誕

暘谷洞元，青華宮中。部四十二曹，偕九千萬眾。掌管江河水帝萬靈之事，水災大會劫數之期。正一法王，掌長夜死魂鬼神之籍。無為教主，錄眾生功過罪

福之由。上解天災，度業滿之靈；下濟幽局，分人鬼之道。存亡皆泰，力濟無窮。大悲大願，大聖大慈。

下元五炁解厄水官，金靈洞陰大帝，暘谷帝君。

恭請

九天玄女寶誥 志心皈命禮

十月十八日聖誕

先天神姥，上世仙姑，莊嚴妙相，位列

九蒼。功垂今古，德配陰陽。常輔現娑
婆世界，得清修淨法身。藏圓道炁，方
壺嶠嶽。早登臨梵剎嬛瑯。蒸砂煮石，
普照禎祥。靈通廣大，應變無疆。掌造
化樞機萬物；司雷霆號令三湘。足踏金
蓮朝聖母；手持寶劍斬魔王。宏悲宏
願，至顯至靈。九天崆府，蒸砂煮石，
無極造化皇尊，玄女元君。

恭請

地母至尊寶誥

志心皈命禮

十月十八日聖誕

地母化生，普天肅靜。河海靜默，山嶽
吞雲。萬靈板扶，召集群真。天無雜氣，
地無妖魔。明慧洞清，大道玄玄。
虛空地母，無量慈尊。

恭請

周大將軍寶誥

志心皈命禮

十月廿三日聖誕

扶天勇將，察地猛神。鐵鬚銀齒，黑面
朱脣。精忠特立，勁節驚人。稽查善惡，
糾察凡塵。冥冥顯赫，處處遊巡。鋤奸
除惡，救世憂民。忠臣義士，扶彼超昇。
乖兒逆子，不勝怒瞋。維持世教，匡正
人倫。斬妖護法，大道長存。最靈真宰，
最顯神君。護朝護國，
剛正忠勇天君。

恭請

大成至聖先師孔夫子寶誥 志心皈命

禮

十一月四日成道

玉虹化身，水精降世，儒教主宰，士子
宗師。負荷乾坤，目擊生民困苦；權衡
善惡，心傷萬姓飄淪。周流七十國中，
當年壯志；往來三千界內，曩者苦衷。
天時人事，司寇不終於魯廷氣數君心，

師弟見厄於陳蔡。嘆祥鳳以絕蹤，中懷
莫遂；傷玉麟之復見，大道難容。悲天
憫人，賞善罰惡。大悲大願，大聖大慈
。

孔聖先師，文宣聖王，詳明太極，興儒
盛世大天尊。

恭請

太乙救苦天尊寶誥 志心皈命禮

十一月十一日聖誕

青華聖境，東極上宮。十方化號度群
生，百億瑞光瞻妙相。即隨機而赴感；
由誓願之弘深。九色蓮花，作慈航之彼
岸；一枝楊柳，開甘露之法門。無量度
人，大慈仁者。大悲大願，大聖大慈。
太乙救苦天尊。

恭請

張仙大帝寶誥

志心皈命禮

十一月廿三日聖誕

桂香內殿，文昌左宮。七十二化之法身；百千萬劫之運數。育嗣天下，演教人間。金彈竹弓隨身帶，孤辰寡宿滅形蹤。扶小子而衛通關；蔭閨房而護產難。聰明日益，痘疹減消。難育者祈之便育，難痊者禱之必痊。大悲大願，大聖大慈。

九天輔元開化，靈應張仙大帝，七曲毓

聖天尊。

恭請

華佗仙翁寶誥 志心皈命禮

十二月廿三日聖誕

千秋高士，三國明醫。學貫歧黃之術，
刀圭蓋世；心懷蒼赤之仁，藥物濟人。
明八卦之真機，通三才之妙義。遭奸曹
之害，靈歸神仙之府；盡忠漢之思，位
列瑯苑之班。古今稱羨，世代尊崇。佐

三期之普度，拯萬劫之沉淪。大悲大願，大智大仁。

玄都仙客，三界醫王，濟生度苦仁術天尊。

恭請

中天大聖五斗星君寶誥 志心皈命禮
中天大聖。五斗星君。普照三千宇宙。
主握中宮。運化十二命宮。記人善惡。

主吉凶災祥之柄。司安危禍福之權。一
輪紫氣。普照大千世界。萬丈金光。照
明人心。東斗赦人罪過。西斗紀人功
名。南斗延壽錫福。北斗解厄消災。中
斗總鑒大綱。稽查善惡功過。主司陶魂
鑄魄。仁慈感應。普化萬靈。大悲大願。
大聖大慈。

中天大聖。五斗星君。統天星宿大天尊。

